

Öise Lade 2-2011, p. 54

Mamma è davent. E nus avain fom. Ok – ins pudess ussa cuschinar in grond menu. Simplamain senza verdura. E senza bulieus. E nagins tartuffels. E nagin ris. Pomfrits fiss bun. Ma quai



Jau conced

datti be en il restaurant. Ed en pli: nus avain be pauc temp per cuschinar. Ok. Lura faschain nus schuppa da tomatas cun viennaisas e mustarda. Quai hani gugent, ils mats. E quai va svelt. Schuppa da tomatas e svelt? Preparar las tomatas frestgas, ervas frestgas, etc. etc. Jau conced: la schuppa è ord il pachet – perquai vai svelt. Tja: in tipic bab che na sa betg cuschinar. Tut ord il pachet... Ma na. Uschia n'èsi betg. Pelvaira betg. Cler. Mamma sa propi cuschinar. Jau betg propi. Dentant il tip dals products finids, dal food ord la frestgera na sun jau vairamain betg. Ma la schuppa da tomatas ord il pachet ma regorda vi da mia uffanza. Schuppa da tomatas cun viennaisas. Quai devi mintgatant da gentar – suenter anc ina rasada da maila. E da mesa adina las novitads, sch'i gieva gist ina cursa da skis.

Ok: far buglir aua. Viaden cun la pulvra ord il pachet. En la padella daspera las viennaisas. E suenter paucas minutas è tut pront. Sco pli baud.



David Spinnler

